



gazeTi gamodis
1931 wl is 5 ianvridan

ალიონი

საზოგადოებრივ-პოლიტიკური გაზეთი www.alion.ge

ყოველკვირეული გამოშვება
ფასი 30 თეთრი

ოზურგეთის მერმა ბებლარ სიორიძემ შეზღუდული შესაძლებლობის მქონე პირებს საჩუქრად მემანიკური ეტლები გადასცა

გაზეთი „ალიონი“



ბელი ვარ ყველას, ვინც ეს აქცია დაგეგმა და ჩაატარა“.

ოზურგეთის მერმა ბებლარ სიორიძემ განაცხადა: „ჩვენ მხარს ვუჭერთ ამ აქციას. შევადგინეთ იმ ბენეფიციარების სია, რომლებსაც სჭირდებათ დახმარება და ამ ეტაპზე 20 ეტლს გადავცემთ. მინდა ძალიან დიდი მადლობა გადავუხადო არასამთავრობო ორგანიზაციას „საზოგადოებრივ აზრს“. ეს აქცია აუცილებლად გაგრძელდება, არ იქნება პირველი და უკანასკნელი. ძალიან მნიშვნელოვანია ამ ადამიანებისთვის თითოეული ჩვენთაგანის გვერდით დგომა და ყოველთვის განსაკუთრებულ ყურადღებას გამოიჩინოს ქ. ოზურგეთის მერია მათ მიმართ.“

მიხეილ დიაკონიძე, არასამთავრობო ორგანიზაცია „საზოგადოებრივ აზრს“ თავმჯდომარე: „პირველ ყოვლისა, მინდა მადლობა გადავუხადო ქ. ოზურგეთის მერს, ბატონ ბეგი სიორიძეს მხარდაჭერისათვის. მსგავსი ტიპის აქციები უკვე განვახორციელებთ კახეთში, აჭარაში, ქუთაისში, ტყიბულში, ვანში, ბოლნისში, დმანისში უახლოეს ხანში ვგეგმავთ მსგავსი ტიპის აქციებს სვანეთში, ადიგენში, ბაღდაშში და ფოთში. ასევე შვიდი ცალი ეტლი აფხაზეთში გავაგზავნეთ, შეზღუდული შესაძლებლობის მქონე პირებისათვის. ეს მხოლოდ პროექტის პირველი ნაწილია. ასევე უახლოეს პერიოდში ვგეგმავთ უფასო სამედიცინო გამოკვლევების ჩატარებას“.

ინფორმაციისათვის: ქ. ოზურგეთის მერმა თავისი უფლებამოსილების დაწვევისთანავე შშმ პირების გადასაადგილებლად პანდუსი მოაწყო მეორე სართულზე.

აქცია არასამთავრობო ორგანიზაცია „საზოგადოებრივ აზრს“ ინიციატივით და ფონდ „სიცოცხლის ხე“ დახმარებით ჩატარდა.

ეტლების გადაცემა ქ. ოზურგეთის მერიის შენობაში მოხდა. ხოლო შემდეგ განსაკუთრებული მძიმე ფიზიკური შესაძლებლობების პირებს ქ. ოზურგეთის მერი სტუმრებთან, არასამთავრობო ორგანიზაციის წარმომადგენლებთან ერთად სახლებში ეწვია და იქ გადასცა ეტლები.

ქ. ოზურგეთში, მერაბ კოსტავას ქუჩაზე მცხოვრებმა შშმ პირმა მზევინარ ლურსმანაშვილმა გაზეთ „ალიონთან“ თქვა: „მიუხედავად ჩემი მდგომარეობისა, აქტიურ ცხოვრებას ვეწევი, ამიტომ ეტლი ჩემთვის აუცილებელია. ამჟამინდელი ეტლი დაზიანებული იყო და ნამდვილად დროული გამოდგა ეს საჩუქარი. ბეგი სიორიძე არც ბიზნესში ყოფნისას გვაკლებდა ყურადღებას და ნამდვილად მადლო-

„ქაპრების შემოჭერის“ პოლიტიკა ოზურგეთულად

გაზეთი „ალიონი“



როგორც ვწერდით, სექტემბერ-ოქტომბრის დასაწყისში ოზურგეთის მუნიციპალიტეტის საკრებულოში დებატები მიმდინარეობდა საკრებულოს თანამდებობის პირების მიერ სადეპუტატო მოვალეობის შესრულებასთან დაკავშირებული 500-ლარიანი ანაზღაურების მიღება-არმიღებასთან დაკავშირებით. ინიციატორი „ქართული ოცნება“ გახლდათ, რასაც არ ეთანხმებოდა ფრაქცია „ნაციონალური მოძრაობა“ და რამდენიმე დეპუტატი, თუმცა საკრებულომ ეს საკითხი დადებითად გადაჭრა.

ორივე კვირაში საწინააღმდეგო ფაქტის მოწმენი გახლდათ. „ქაპრების შემოჭერის“ რა მოგასწავნოთ, მაგრამ მუნიციპალიტეტის ყველაზე დაბალი რანგის მოხელე იმაზე მეტ ანაზღაურებას მიიღებს, ვიდრე კარგი პედაგოგი, ექიმი (გამონაკლისის გარდა) და ა.შ. არას

გამობთ საბავშვო ბაღების და სხვა სამსახურების თანამშრომლების მიზერულ ანაზღაურებაზე.

ახალი რანგის მიხედვით ოზურგეთის მუნიციპალიტეტის საკრებულოს თავმჯდომარე და გამგებელი 2650-2650 ლარს მიიღებენ. თუმცა ეს არ არის ზედა ზღვარი და ახალი რანგის მიღების შემდეგ, მათი ხელფასები შესაძლებელია კიდევ უფრო გაიზარდოს.

საკრებულოს პირველი მოადგილე და გამგებლის პირველი მოადგილე 2250-2250 ლარს მიიღებენ; გამგებლის მოადგილე -2050 ლარს, ხოლო სამსახურის უფროსი გამგებობაში და საკრებულოს სამსახურის უფროსები 1850-1850 ლარს მიიღებენ; საკრებულოს აპარატის უფროსი -1500 ლარს.

1050-1050 ლარს მიიღებენ საკრებულოს და გამგებობის განყოფილების უფროსები, გამგე-

ბლის წარმომადგენლები; გამგებლის და საკრებულოს თავმჯდომარის თანამშრომლები 1000-1000 ლარს მიიღებენ.

შესაბამისად 850,750, 700, 650 ლარს მიიღებენ: მუნიციპალიტეტის საკრებულოს და გამგებობის მთავარი სპეციალისტები, წამყვანი სპეციალისტები, უფროსი სპეციალისტები, სპეციალისტები. 650 ლარს მიიღებენ გამგებლის წარმომადგენლის თანამშრომლები.

დაგვანტერესა, როგორ „იჭერენ ქაპრებს“ სხვა მუნიციპალიტეტშიც და რამდენიმე მონაცემი სარაგოლის მუნიციპალიტეტიდან ავიღოთ (ვაზეთი „ჩემი სარაგოლიდან“).

სარაგოლში მთავარი სპეციალისტი, წამყვანი სპეციალისტი, უფროსი სპეციალისტი და სპეციალისტი შესაბამისად 560, 540, 520 და 500 ლარს მიიღებენ.

შეგვეძლო სხვა მონაცემებიც მოგვეტანა, მაგრამ როგორც ჩანს „ქაპრების მოჭერის“ პოლიტიკას სხვადასხვაგვარად აფასებენ.

როგორც საზოგადოებრივ დარბაზის და შემდეგ საკრებულოს სხდომაზე გაირკვა, საკრებულომ თანამშრომელთა რაოდენობა 9 საშუალო ერთეულით შეამცირა, დანარჩენი მუნიციპალიტეტის გამგებობა და ამის ხარჯზე გამგებლის წარმომადგენლებს სოფლებში თითო თანამშრომელს დაემატება, ხოლო დაბეს და დიდ სოფლებში ორი.

ოჯახური კალაღობის თემაზე არასამთავრობო ორგანიზაციები საქართველოს პრეზიდენტს უმხვდნენ

16 ოქტომბერს ავღაბრის რეზიდენციაში ქალთა უფლებადამცველი ორგანიზაციის 28 წარმომადგენელი პრეზიდენტს შეხვდნენ. შეხვედრის მიზანი იყო შეგვემუშავებინა ერთიანი პლატფორმა ოჯახში ძალადობის პრევენციასთან დაკავშირებით.

შეხვედრაში მონაწილე თითოეულ პირს მოგვეცა საშუალება, გვესაუბრა იმ პრობლემებზე, რომელსაც ვაწყდ-

ებთ ოჯახში ძალადობის პრევენციის კუთხით.

ჩვენი ორგანიზაციის მხრიდან განსაკუთრებით ხაზი გაესვა იმას რომ, 2006 წელს მიღებულ კანონს ოჯახში ძალადობის შესახებ შემდგომ უნდა მოჰყოლოდა სერვისების შექმნა - კრიზისული ცენტრები და თავშესაფრები, განსაკუთრებით რეგიონებში. ზუსტად ამ ცენტრების არარსებობა ხელს უშლის პოლიციას

განარიდოს მოძალადე მსხვერპლს ან პირიქით. ეფექტურად არ მუშაობს ასევე შემაკავებელი და დამცავი ორდერები. კერძოდ, შემაკავებელი ორდერის გამოწერის შემდეგ, 24 საათის განმავლობაში სასამართლომ უნდა დაამტკიცოს ორდერი, სადაც აუცილებლად უნდა იმყოფებოდნენ, როგორც მოძალადე, ასევე მსხვერპლი,

გვ-2

სოფ. ლისაურში „ქვეთიიმობა“ გაიმართა

გაზეთი „ალიონი“

სოფ. ლისაურში ექვთიმე თაყაიშვილის სახლ-მუზეუმის გახსნის შემდეგ მესამედ აღინიშნეს ექვთიმობა. ორგანიზატორი ოზურგეთის მუნიციპალიტეტის გამგებობის კულტურის სამსახური იყო.

თავდაპირველად სახლ-მუზეუმში ექვთიმე ღვთისკაცის სულის მოსახსენიებელი პარაკლისი ღვთისმშობლის მიძინების, ოზურგეთის საკათედრო ტაძრის წინამძღვარმა, დეკანოზმა, მამა ბასილმა (კვირიჩიძემ)



დააველინა. შემდეგ ღონისძიებამ მუზეუმის აივანზე გადაინაცვლა.

გვ-2

7 დღის ამინდის პროგნოზი

მზა, ღრუბელი +6+14 20 ოქტომბერი ორშაბათი	მზა, ღრუბელი +10+17 21 ოქტომბერი სამშაბათი	მზა, +14+24 22 ოქტომბერი ოთხშაბათი	ღრუბელი +11+24 23 ოქტომბერი ხუთშაბათი	ღრუბელი +14+24 24 ოქტომბერი პარასკევი	მზა, ღრუბელი +12+22 25 ოქტომბერი შაბათი	ღრუბელი +11+18 26 ოქტომბერი კვირა
---	---	---------------------------------------	--	--	--	--------------------------------------

სოფ. ლიხაურში „ექვთიმეობა“ გაიმართა

„მადლობა უფალს, რომ არსებობს სოფელი ლიხაური და გვყავს ისეთი წმიდანი და მეოხი, რომელსაც მსოფლიო შენატრის. დღეს ჩვენ შევიკრიბეთ კიდევ ერთხელ იმისთვის, რომ ექვთიმე ღმრთისკაცის მიმართ მადლი და სიბოლო გამოვხატოთ, რასაც მადლიერება ჰქვია. ყველაზე ძვირფასი სიტყვაა მადლიერება, რომელიც მადლიდან მოდის“, – ბრძანა მამა ბასილმა.

შემდეგ სიტყვით მუხუშუმის დირექტორი **რუსლან ურუშაძე** გამოვიდა:

–2010 წელს ოზურგეთის მუნიციპალიტეტის, სოფელ ლიხაურში, ექვთიმე თაყაიშვილის მშობლიურ სოფელში სახლ-მუხუშუმის აშენებამ, ხელახალი სტიმული მისცა ექვთიმეობის აღდგენას. ამას ძალიან დიდი მნიშვნელობა აქვს, რადგან ექვთიმე თაყაიშვილი, დიმიტრი ყიფიანი, ნიკო ნიკოლაძე არ არიან მწერლები და საშუაწაროდ, არ ისწავლება სკოლაში. მუხუშუმს კი აქვს საშუალება ახალგაზრდობას ჩვენ გაავანოთ ამ დიდებული ადამიანების შესახებ. 2002 წლის 17 ოქტომბერს მოხდა ექვთიმე თაყაიშვილის წმინდანად შერაცხვა და აქედან გამომდინარე აღენიშნათ ექვთიმეობას.

როგორც ამბობენ კომუნისტების დროს ტარდებოდა ექვთიმეობა დიდი მასშტაბებით. 80-იან წლებში სოფ. ლიხაურში აიგო ექვთიმე თაყაიშვილის ძეგლი, რომლის ავტორი იყო, ლიხაურელი მოქანდაკე რობერტ გოგოლიშვილი, არქიტექტორი კი ანზორ გომართელი. ეს ღონისძიება რესპუბლიკის მასშტაბით იგეგმებოდა, ყველა კორიფე მეცნიერი ლიხაურში იყო, მაგრამ ზუსტი დღე არ იყო დადგენილი, უფრო მეტად გაზაფხულზე ტარდებოდა. სახალხო ზემო იყო, გაშლილი სუფრებით, სამეცნიერო კონფერენციებით და ა.შ. ოღონდ 90-იან წლებში შეჩერდა და 2010 წელს აღდგა“, – გვითხრა რუსლან ურუშაძემ.

მერაბ ჭანუყვაძე, ოზურგეთის მუნიციპალიტეტის გამგებელი: –„ეს დღე თითოეული ოზურგეთელისთვის ძალიან მნიშვნელოვანია. ექვთიმე ღმრთისკაცს თავისი მოღვაწეობის პერიოდში განსაკუთრებით უვლია ამ ქვეყანაზე და თითოეული ჩვენგანის ვალია ჩვენი მოძალის აღზრდა და გაზრდა იმ გზით, რომლითაც იარა ექვთიმე თაყაიშვილმა საქართველოსთვის. ეს არის სიმბოლო კაცთმოყვარეობის, ჩვენი კულტურული მემკვიდრეობის და ეს არის ზოგადად, სიმბოლო ჩვენი სახელმწიფოებრიობის“.

ნუგზარ ასათიანი, გაზეთ „ალიონის“ რედაქტორი: –„გასული საუკუნის 80-იან წლებში ოზურგეთის კინოთეატრში რევაზ თაბუკაშვილის ფილმის, „საქართველოს მეჭურჭლეთუხუცესი“ ჩვენება გაიმართა, რომელსაც თავად ფილმის ავტორი ესწრებოდა. ამ პერიოდთან ჩაეყარა საფუძველი „ექვთიმეობას“ პირადად მქონდა ბედნიერება ახლო ურთიერთობებში ცხოვლიყავი მის მოწვევებთან, პროფესორებთან შალვა გოზალიშვილთან და იური სიხარულიძესთან. ბატონი იური ამ ღონისძიებას ვერ ესწრება მისი ჯანმრთელობის მდგომარეობის გამო. ექვთიმე თაყაიშვილი იყო არა მარტო ქართული განძის გადამრჩენი, არამედ ფართო მასშტაბის მეცნიერი, საზოგადო მოღვაწე. მისი დამსახურება ის, რომ გურია 1905 წელს გადაურჩა ალიხანოვს-ავარსკის დამსჯელი რაზმისაგან აოხრებას“.

სახალხო დღესასწაულის მეორე ნაწილში კი მოეწყო ხალხური რეწვის ნიმუშების გამოფენა-გაყიდვა, სხვადასხვა სოფლის წარმომადგენლებმა სპეციალურად მოწოდებულ



კუთხეებში ადგილობრივი წარმოების პროდუქტები გამოფინეს. გამოფენაზე მუნიციპალიტეტის ყველა სოფელი და დაბა იყო წარმოდგენილი. იყო სოფლები, რომლებმაც განსაკუთრებით წარმოდგინეს მათი სოფლისათვის დამახასიათებელი ეთნოგრაფია (ვაკიჯვარი, მთისპირი, ცხემლისხიდი, ბახვი, შრომა და ა.შ.). ხოლო დაბებმა (ნასაკირალი, ლაითური, ნარუჯა) ეკომი-

გრანტების საქმიანობისათვის დამახასიათებელი ნაწარმი. ყველა სოფლის გამოფენაში წარმოდგენილი იყო შემოდგომის ნობათი. ცალკეულ სოფლებს ასევე წარმოდგენილი ჰყავდა ფოლკლორული ჯგუფები. სოფლის ცენტრში მოწყობილ სცენაზე მუნიციპალიტეტის ფოლკლორული ანსამბლების კონცერტი გაიმართა.

ოჯახური ძალადობის თემაზე არასამთავრობო ორგანიზაციები საქართველოს პრეზიდენტს უხვდნენ



პრაქტიკაში კი ამის განხორციელება საკმაოდ რთულია. ამის გამოც ხშირად შემაკავებელი ორდერის გამოწერის სანაცვლოდ, მოძალადეს ან ხელწერილს აწერინებენ, ან გაფრთხილებას აძლევენ, რასაც იურიდიული ძალა არ გააჩნია.

ხშირად გვსმენია იგივე პოლიციისაგან, რომ ქალები ცვლიან პოზიციებს და არ უნდათ მოძალადე ქმრებისადმი რაიმე სახის ქმედებები განახორციელონ პოლიციამ. ამასაც აქვს თავისი მიზეზები. რატომ აკეთებენ ქალები ამას! პასუხი მარტივია: ქალი მარტო რჩება პირისპირ გაცეცხლებულ მოძალადესთან, ვერ ხერხდება მათი განცალკევება, მიზეზი ისევე თავშესაფრებისა და კრიზისული ცენტრების არ არსებობაა. საზოგადოებაც არ არის მგრძობიარე.

პრობლემა ხშირად ვერ გვარდება ერთი მიზეზით, არ ხდება კოორდინებული მუშაობა პოლიციას, საზოგადოებრივ ორგანიზაციებსა, სოციალურ სამსახურსა და საზოგადოებას შორის.

ღვაბზუში მომხდარი მკვლელობა შედგება სწორედ ასეთი არაკოორდინებული მუშაობისა, ჩვეს ორგანიზაციას არ ჰქონდა ინფორმაცია ამ ოჯახის, როგორც რისკის შემცველი

ოჯახის, შესახებ, წინააღმდეგ შემთხვევაში ჩვენ ამ ქალბატონს ბოლომდე დავიცავდით. ჩვენ გვაქვს ქეისები, სადაც ჩვენი აქტიური ჩარევით თავიდან ავიცილეთ ტრაგედიები.

სოციალური სააგენტოს ფუნქციებში შედის სოციალურად დაუცველთა ბაზაში მყოფი ოჯახების მონიტორინგი, რასაც პირნათლად და საკმაოდ კარგადაც ახორციელებენ, ხდება ხშირი მონიტორინგი იმ ოჯახებისა, რომლებიც სოციალურ შემწეობას იღებენ, თუმცა მათ ფუნქციებში არ შედის ოჯახები, სადაც მუდმივად ხდება ძალადობა. თუ გადავხედავთ წარმატებული ქვეყნების გამოცდილებას, იქ სწორედ სოციალური სამსახურია ჩართული რისკის შემცველ ოჯახებთან მუშაობაში. ოჯახში ცხოვრობენ ბავშვები, მათ უსაფრთხოებაზე არავის ზრუნავს. არის მხოლოდ ერთი მექანიზმი, ბავშვების გაყვანა და მინდობით აღზრდაში გადაყვანა. საერთოდ გაუქმდა ფსიქოლოგის პოზიცია სოციალურ სააგენტოებში. ქალი რჩება მარტო პირისპირ მოძალადესთან, რომელსაც აღარ აქვს არავის იმედი. საზოგადოება არ ერევა და არ მიიწვევს ამას საშიშ ტენდენციად.

მიანხით, რომ ის მათ პრობლემას არ წარმოადგენს.

განსაკუთრებით ყურადღებას ისაქცევია, რაზეც შეხვედრავს იყო საუბარი, ფასულობები, ღირებულებები, რომელსაც უნდა იზიარებდეს საჯარო პირი, რომელიც მუშაობს პოლიციაში, ასევე ხშირია ფაქტები, როცა თავად პოლიციაა მოძალადე საკუთარ ოჯახში, ისინი გამოძახების შემთხვევაში მოძალადის მიმართ შემწეობას და ძალადობის მიზეზს ქალის ქცევაში ეძებენ. მენტალური პრობლემა მხოლოდ პოლიციის პრობლემა არ არის, საზოგადოებაში გამეფებული სტერეოტიპების მსხვერპლია ის პოლიციელი, რომელიც ასევე საზოგადოების ნაწილია. დადგა აუცილებლობა პოლიციის სამმართველოებში შეიქმნეს შესაფერისი კადრები, რომლებიც იმუშავებენ კონკრეტულად ოჯახში ძალადობის კუთხით.

მსხვერპლის სტატუსის მოპოვება ორი გზითაა შესაძლებელი: პირველი - პოლიციის თანამშრომელი გამოწერის შემთხვევაში ორდერს და მეორე - ჯანდაცვის სამინისტროსთან არსებული უწყებათაშორის საბჭო ადგენს ამ სტატუსს. უწყებათაშორისი საბჭო უკვე ხუთი თვეა აღარ ფუნქციონირებს. იუსტიციის მინისტრის ქ-ნი თეა წულუკიანის სატელევიზიო ინტერვიუში აღინიშნა, რომ მალე დაკომპლექტდება საბჭო და გააგრძელებს მუშაობას. თუმცა, დაყოფა ფრაზა, სადაც აღინიშნა, რომ ამ საბჭოში უმრავლესობა მამაკაცები შევლენ. გაეროს უშიშროების 1325 რეზოლუციის თანახმად, რაზეც საქართველომაც მოაწერა ხელი, საუბარია იმაზე, რომ იქ, სადაც ქალთა უფლებებზეა საუბარი, გადაწყვეტილების მიღების პროცესში ქალები მაქსიმალურად უნდა იყვნენ ჩართულნი. ჩვენ ქალებს მართლაც გვაქვს ძალა და გამბედაობა, რომ დავიცვათ ჩვენნივე უფლებები, შეურაცხყოფილიცაა, როცა სახელმწიფო პირველი

რანგის პირებიდან მსგავს შემთავაზებებს ვიღებთ, თითქოს მამაკაცებმა უნდა დაგვიცვან.

შეხვედრის ბოლოს შევთანხმდით, რომ პრეზიდენტის ადმინისტრაციაა მზადა ჩართოს ოჯახებში ძალადობის წინააღმდეგ მიმართულ აქციებში (ასევე შევთანხმდით, რომ აქციების ფორმებზე ჩავატაროთ კიდევ ერთი შეხვედრა).

პრეზიდენტმა გამოთქვა მზადყოფნა და დაგვიპირდა, რომ აუცილებლად დანიშნავს გენდერულ საკითხებში მრჩეველს, ან მრჩეველთა ჯგუფს, რომელთანაც შემდგომში ჩვენ, არასამთავრობო სექტორს გვექნება კოორდინაცია როგორც ქალთა უფლებების დაცვის საკითხებში, ასევე გენდერული თანასწორობის კუთხით.

17 ოქტომბერს სასტუმრო „ვერეპალასში“ გაიმართა შეხვედრა, რომლის ორგანიზატორიც გახლდათ საზოგადოებრივი ორგანიზაცია „ქალთა ფონდი საქართველოში“. შეხვედრის ფინანსური მხარდაჭერი გახლდათ ნიდერლანდების საელჩო ინგლომ ოფ ტჰე ეტჰერლანდს.

თემა ამ შეხვედრაზეც გახლდათ: „ქალთა უფლებრივი მდგომარეობის გაუმჯობესება-ქალი უფლებადამცველის დაცვა“. შეხვედრის დაწყებიდან 5 წუთში მოვიდა ინფორმაცია, რომ ილიაუნში კიდევ ერთი ქალი მოკლა მუქვლემ. შეხვედრის ფორმატი ცოტა შეიცვალა, ყველანი დადუმებული ვისხედით, ვაცნობიერებთ, რომ ბევრი რამა გასაკეთებელი, რათა ეს დაუცველობის გრძობა ცოტა მაინც შეცვალოთ.

ლელა ლომიაძე, რომელიც გახლდათ ნიდერლანდების საელჩოს წარმომადგენელი საქართველოში, ისაუბრა რა მიღწევები აქვთ ამ კუთხით პოლანდიაში. ვფიქრობთ, ამ ქვეყნის გამოცდილების გაზიარება მნიშვნელოვანი იქნება საქართველოსთვის.

შეხვედრაზე მომხსენებელმა ნათია ღვინიაშვილმა წარმოადგინა ვიდეო: ინტერვიუებული და დივი-

ტალური უსაფრთხოება. მარი ჯობავამ, რომელიც განლაგებულ ჰქონდა XI წარმომადგენელი გააკეთა მოხსენება რეპროდუქციული და სექსუალური უფლებების შესახებ.

სახალხო დამცველის აპარატიდან ეკატერინე სხილაძემ კი ემოციურად ისაუბრა გენდერული ნიშნით ძალადობის შესახებ, რომელსაც ხანგრძლივი დისკუსია მოჰყვა, იქვე რამდენიმე მეტრში მომხდარი კიდევ ერთი მკვლელობის გამო.

21 ოქტომბერს ოზურგეთის საკრებულოში კიდევ ერთ შეხვედრას ვგეგმავთ, რომელზეც მოწვეულნი არიან ოზურგეთის მუნიციპალიტეტის საკრებულოს დეპუტატები, სოფლებში გამგებლის წარმომადგენლები, ოზურგეთის მერიის საკრებულოს დეპუტატები. შეხვედრის მიზანია დაიგეგმოს ოზურგეთის ყველა სოფელში გასვლები, რომელშიც მონაწილეობას მიიღებენ დეპუტატი, სოფელში გამგებლის წარმომადგენელი და პოლიციის წარმომადგენლები. ადამიანებმა უნდა გაიგონ, რომ ქალი მუქვლის საკუთრება არ არის და არავის აქვს უფლება ცემოს, სიტყვიერი შეურაცხოფა მიაყენოს ან სიცოცხლე მოუსწრაფოს ქალს, მუქვლეს. ოჯახში ქალი ყველაზე მეტად უნდა იყოს დაცული. დღევანდელი რეალობა კი აღმოჩნდა სულ სხვაა. ამაზე დაფიქრება და ბევრი მუშაობაა საჭირო. რასაც ცალკე ვერც ჩვენ, საზოგადოებრივი ორგანიზაციები, ვერც ცალკე აღებული მთავრობა და პოლიცია და ვერც საზოგადოება ვერ შევძლებთ. უარი უნდა ვუთხრათ ძალადობას, პასუხი უნდა ვაგებინოთ მოძალადეს, მარტო არ უნდა დავტოვოთ მსხვერპლი, ჩვენ ჩვენი წილი პასუხისმგებლობა ავიღოთ ოჯახში ძალადობის წინააღმდეგ ბრძოლაში.

ქვიმეზან სილაშვილი, არასამთავრობო ორგანიზაცია „ქალები რეგიონის განვითარებისთვის“ ხელმძღვანელი.

„როცა ჯვარცმული დგასარ ტილოსთან“

ავთანდილ თავართქილაძის პერსონალური გამოფენა „მუზაში“

თემატური მარშანიზმი

ლვინობისთვის მეთექვსმეტე დღეს თბილისში, მერაბ ბერძენიშვილის სახელობის საერთაშორისო კულტურის ცენტრში „მუზაში“ თავისი თანამდგომელი საგამოფენო დარბაზი პერსონალურად ავთანდილ თავართქილაძის (თანდილას) შემოქმედებას დაუთმო. როგორც თვითონ მხატვარმა გვითხრა, შერჩეული ასორტიკდაათი ტილოდან „მუზის“ ღირსად მან საბოლოოდ მხოლოდ სამოცდათორმეტი ნამუშევარი მიიჩნია. სამოცდათორმეტივეში, თითქმის ორი საათის განმავლობაში, ცნობისმოყვარეობით „ძვრებოდა“ დამთვალეირებული – ხელოვნებათმცოდნეები, თანდელას კოლეგები, თბილისელი და ოზურგეთელი სახვითი ხელოვნების მოყვარულები, ქალაქ ოზურგეთის ხელისუფლების აღმასრულებელი და წარმომადგენლობითი რგოლ-ების ხელმძღვანელები, ბეჭდვითი და ელექტრონული მედიის წარმომადგენლები.

ავთანდილ თავართქილაძე პირველი ოზურგეთელი მხატვარია, ვინაც თანამედროვეობის ერთ-ერთი უდიდესი მოქანდაკის, ბატონი მერაბ ბერძენიშვილის რუღუნებით შექმნილი „მუზა“ ვიზუალური და სულიერი მშვენიერებით დაბუხდა. გამოფენამ, თეატრალური ტერმინი რომ გამოვიყენოთ, სრული ანშლავით ჩაიარა.

ბაგდატ სიორიძე, ქალაქ ოზურგეთის მერი: დიდი მადლობა, ვინც მოახერხა და მობრძანდა ამ ღირსშესანიშნავ გამოფენაზე ერთი ღამეში, გურული კაცის შემოქმედების გასაცნობად. დარბაზში ზუსტად იმას ვხედავთ, რასაც თითოეული ჩვენგანი ავთანდილისგან ელოდა – ეს არის ფერადონად წარმოდგენილი ვიზუალური და სულიერი მშვენიერება! უდავოდ ნიჭიერი კაცია, რომელიც ორ დიდ საქმეს უნარიანად და შემოქმედებითად უძღვება. საბედნიეროდ, ასეთი ხალხი ქმნიდა და ქმნის ოზურგეთში ხელოვნების კულტურას, ასეთ ხალხს არასოდეს დააკლდება ყურადღება ქალაქის ხელმძღვანელობისგან.

მარინა ჯაფარიძე, ქ ოზურგეთის მერიის განათლების, კულტურისა და გენდერული თანასწორობის სამსახურის ხელმძღვანელი: ავთო პროფესიონალი შემოქმედია, რომელიც ყოველთვის გამოირჩეოდა და გამოირჩევა თავისი ხელწერით, ხედვით, სამყაროს განსხვავებულად და ორიგინალურად აღქმით. ძალიან სერი-



ოზული გამოფენაა. ვულოცავ და გილოცავთ!

ღავითი შამოქმედელი, პოეტი, საქართველოს მწერალთა კავშირის თავმჯდომარის მოადგილე, რუსთაველის საზოგადოების თავმჯდომარე: ძალიან მნიშვნელოვანი დღეა ჩემი ოზურგეთის ცხოვრებაში, მშობლიური ქალაქისა, რომელმაც დღეს დედაქალაქშიც სასურველი სულიერი და კულტურული ამინდი შექმნა. ავთანდილ თავართქილაძის შემოქმედებაში თავისუფლების ხარისხია მაღალი, სულიერი პრობლემა ჩანს. უპირველესად, სწორედ სულიერად მაღალი უნდა იყოს ჩემი რაიონი, რადგან იქ დიდი ხელოვნები მოღვაწეობენ...

მზია კვინტრაძე, მხატვარი, ჩონატაურის სამხატვრო სკოლის დირექტორი: რასაკვირველია, კმაყოფილი ვარ დღევანდელი დღით, ფერწერის ზეიმა და ვულოცავ ავთოს, რომლის შემოქმედებაში მე მშობლიურ ფესვებს და პეიზაჟებს ვხედავ.

ვასტანგ მაგშიშვილი, ვასკლავოსანი ოზურგეთელი მხატვარი: ჩემი დისშვილის გამოფენაა, რაც დიდად სასიხარულოა ჩემთვის. ავთო ჩემს გვერდით იზრდებოდა. ხედავდა, ვხატავდა და თვითონაც დაიწყო ხატვა. თანატოლებში გამოირჩეოდა გრაფიკული ხედვით. ბავშვთა პირველივე მსოფლიო გამოფენაზე, ინდოეთში ოქროს მედალი მიიღო, შემდეგ იყო სამხატვრო აკადემია და ის შემოქმედებითი გზა, რომლითაც ამ „მუზამდე“ მოვიდა. 27 წელია

ხელმძღვანელობს ოზურგეთის სამხატვრო გალერეას, სადაც ყოველთვიურად აწყობს არა მხოლოდ ოზურგეთელი, არამედ საქართველოს სხვადასხვა კუთხის მხატვრების გამოფენებს.

ღავითი ანდრიაძე, ხელოვნებათმცოდნე, პროფესორი: უპირველესად, ძალიან კარგია, რომ დღეს აქ ბევრი ხალხია. ალბათ იმიტომ, რომ ვიცით, ვისთან და რასთან გვაქვს საქმე. მაგრამ არ არის ის, ვინც პირველ რიგში უნდა იყოს, მხატვართა კავშირს ვუვლისხმობ. სამარცხვინოა ასეთი მხატვართა კავშირი.

ავთანდილის შემოქმედება პირველად ვხედავ ოზურგეთში ღალღალა-ზონიას ვარსკვლავის გასხნაზე, რეტროსპექტული ნამუშევრებია. მთავარია მერძნობელობა და არა უნიჭოდ აწეული ხმა. ეს პირველია და ვიმედოვნებ, რეგიონული გამოფენები თბილისში კიდევ იქნება.

ქეთევან კორძასია მხატვარი, ავთანდილ თავართქილაძის მეგობარი სამხატვრო აკადემიდან: ბევრი მაქვს სათქმელი ჩემს მეგობარზე, უმაგრესი მხატვარია, ჩემთვის აქ გამოფენილი ტილოებიდან უმეტესობა ძველია, იმის თქმა მინდა, რომ მქონდა შესაძლებლობა, უფრო ადრე გავცნობოდი მის შემოქმედებას. გარდა იმისა, რომ საინტერესო შემოქმედია, ყველას პატრონი და მზრუნველიცაა. მისხარია, რომ გვერდით უდგანარ და მინდა ასე გაგრძელდეს იმიტომ, რომ ჩემი ავთო ნამდვილად ჭკუასაკითხავი მხატვარია.

ზვიად კვაჭანტირაძე,

ოზურგეთის მაჟორიტარი დეპუტატი საქართველოს პარლამენტში: სახვითი ხელოვნება, სახელდობრ მხატვრობა, ყოველთვის იყო ოზურგეთის კულტურული ცხოვრების მაჯისცემის განმსაზღვრელი. სასიხარულოა, რომ ეს ტრადიცია დღესაც გრძელდება, რამაც მნიშვნელოვანი წვლილი მიუძღვის „მუზაში“ დღევანდელი ზეიმი მიზეზს ავთანდილ თავართქილაძეს, ვინაც წარმატებული შემოქმედებით საქმიანობის პარალელურად, – რისი დასტურიც გახლავთ დღევანდელი გამოფენა, – ნაყოფიერად იღვწის ოზურგეთის სამივე თაობის მხატვართა სვე-ბედზე. მჯერა, ავთო კვლავაც ბევრჯერ გავახარებს მსგავსი წარმატებებით.

ზაზა სიორიძე, ბიზნესმენი: დიდი ბედნიერებაა, რომ ჩემს ოზურგეთის ასეთი მაღალი ხელოვნები წარმოადგენენ დედაქალაქში. რამდენადაც ვიცი, ავთოს, როგორც ნიჭიერ მხატვარს, მანამდე იცნობდნენ, მაგრამ „მუზა“ – ეს უკვე აღიარებაა! პირადად ავთოსა და ყველა ოზურგეთელს ვულოცავ ამ დიდ წარმატებას.

მთუნა კონტრაძე, ოზურგეთის სამხატვრო სკოლის აღზრდილი, სამხატვრო აკადემიის სტუდენტი: ბატონი ავთო ჩემი მასწავლებელია, მისი დამსახურებაა, რომ დღეს მე აკადემიაში ვსწავლობ. ქვეყნის დასალიერს რომ ვყოფილიყავი, ამ გამოფენაზე მინც ჩამოვიდოდი.

ამთანდილ თაბართიძე-ამე: ნამდვილად ვულოცავ. აკადემიაში პირველად რომ მივედი, მხოლოდ მაშინ ველავდი ასე, მხოლოდ მაშინ მქონდა

ასეთი განწყობა. გამოფენის მოწყობა ნებისმიერ დონეზე უდიდესი პასუხისმგებლობაა, როცა ირგვლივ ადენი კარგი მხატვარია, სახვითი ხელოვნება ასე განვითარებულია, მაგრამ დღევანდელი დღე ნამდვილად ღირდა იმედ, რომ ერთმანეთი გვენახა თუნდაც. მინდა დიდი მადლობა გადავიხადოთ ყველას, თბილისელ თუ ოზურგეთელ საზოგადოებას აქ მობრძანებისთვის, ჩემი შემოქმედების გაცნობისთვის, გულშემატკივრობისთვის. დიდი მადლობა ქალაქ ოზურგეთის მერიასა და საკრებულოს, განსაკუთრებული მადლობა ქალაქის მერს ბატონ ბევი სიორიძეს, რომელმაც მნიშვნელოვანი წვლილი შეიტანა ამ გამოფენის ორგანიზებასა და მოწყობაში.

როგორც საგამოფენო მომზადებულ ბუკლეტში ვკითხულობთ, ეს გახლავთ ავთანდილ თავართქილაძის მიერ ქვეყნის პერსონალური გამოფენა. „მუზაში“ მისი ნამუშევრები გამოიფინა: საგამოფენო ცენტრ „მთურში“ (მოსკოვი) – 1993 წელს; თურქეთში, ქალაქ ანკარაში – 2001 წელს; ისევ თურქეთში, ქალაქ სტამბულში, გალერეა „პოვამი“ – 2002 წელს; ოზურგეთის თანამედროვე სახვითი ხელოვნების ცენტრში – სურათების გალერეაში – 2010 წელს; ბათუმში, აჭარის ხელოვნების მუზეუმში – 2010 წელს; ქუთაისის დავით კაკაბაძის სახელობის ხელოვნების მუზეუმში – 2011 წელს.

თანდელამ კი თქვა: „ასეთი გამოფენა რომ გავაკეთო, ერთი ოცი წელი კიდევ დამჭირდება“, მაგრამ ეს, ალბათ, უფრო თავისთვის დამახასიათებელი მოკრძალებითა და პასუხისმგებლობით ნათქვამი იყო და იქედან გამომდინარე, რომ ავთანდილ თავართქილაძე, როგორც მოწიფული მხატვარი, დღეს შემოქმედებით ზენიტშია, ვიმედოვნებთ, მის ახალ ნამუშევრებს მალე ვიხილავთ ანალოგიურ გამოფენებზე.

და ბოლოს, საკმაოდ ვრცელ საგაზეთო მასალაში ერთადერთხელ გამოვიყენე სამი წერტილი, ისიც იძულებით, რადგან გამოფენაზე დავთი შემოქმედელის გამოსვლისას, სრულყოფილად ვერ მოვასწარი პოეტის მის მიერ წარმოთქმული ლექსის ჩაწერა, რომლის ერთი სტროფი – „როცა ჯვარცმული დგასარ ტილოსთან“ – ვერ უნალო ლაიტმოტივად გაჰყვა მთელ გამოფენას, შემდეგ კი გვირგვინად, ანუ სათაურად დაედო ამ წერილს.

გურული პერსონაჟები ქვემო ქართლის თეატრის სცენაზე

ნიკო ნიკოლაიშვილი

ოზურგეთის სახელმწიფო დრამატული თეატრი ქვემო ქართლს, კერძოდ რუსთავის გიგა ლორთქიფანიძის სახელობის თეატრის სცენას ნოდარ დუმბაძის პერსონაჟებით სტუმრობდა. ნაჩვენები იქნა სამი სპექტაკლი: „გამოდი სულო სინათლეზე, ანუ ჭკვიანი გიჟები“, „თეთრი ბაიროლები“ და „გამარჯობათ ხალხო“

– „პირველად ჩვენი თეატრის ისტორიაში გავდით რუსთავში. ეს გასტროლი ჩვენთვის არ იყო ადვილი, რადგან იქ ჩადის რუსთაველის, მარჯანიშვილის სახელობის თეატრები, იქაური მაყურებელი მიჩვეულია მაღალი დონის სტუმრებს – გვითხრა ოზურგეთის თეატრის მმართველმა ზაზა ჯინჭარაძემ. მისივე თქმით, მოულოდნელად შექმნილი პრობლემის

მიუხედავად, სპექტაკლები რუსთაველმა მაყურებელმა განსაკუთრებული პატივითა და ოვაციებით მიიღო.

– „კარგი შეფასებები მივიღეთ



თეატრმცოდნეებისგან, სპეციალურად მოწვეული სტუმრებისგან.

ერთ-ერთი წამყვანი მსახიობი ნუგზარ ბარამიძე წასვლის წინ ავად გავკინდა. მის როლზე მე

შევედი, ჩემი როლი თეატრის სამხატვრო ხელმძღვანელს, ვასო ჩიგოიძეს უნდა ეთამაშა. მოულოდნელად მას უახლოესი ნათესავი დაეღუპა, დაუკავშირდა მის ალზდელის, რუსთაველის სახელობის თეატრის მსახიობ ზურაბ შარბას. რომელიც ჩამოვიდა რუსთავში და როლსაც შესანიშნავად მოერგო. პირველივე ჩვენებას დიდი აჟიოტაჟი მოჰყვა. ქალაქის მერმა ოფიციალურ ბანკეტზე მიგვიწვია. მომავალში რუსთავის თეატრი გვემავს ჩვენთან ჩამოსვლას.“

ეს გასტროლი ოზურგეთლებმა ნოდარ დუმბაძისა და გიგა ლორთქიფანიძის ხსონას მიუძღვნეს. როგორც აღინიშნა, გასაოცარი კავშირი შედგა დარბაზსა და მსახიობებს შორის.

დღეს ჩვენი მსახიობები ლიტ-

ვაში მიემგზავრებიან, სადაც ისინი სპექტაკლის „გამოდი სულო სინათლეზე, ანუ ჭკვიანი გიჟები“ ორ ჩვენებას გამართავენ. დაბრუნებულები ახალ სპექტაკლზე – „დონკუანის დაბადება“ იწყებენ მუშაობას. – „ჩვენი სირთულე მოახლოებული ცივი სეზონია, თეატრის დარბაზში ძალიან ცივა და მსახიობებს უმძიმეს პირობებში უწევთ მუშაობა, ამჟამად კი მინდა მადლობა გადავუხადო ქალაქის მერს, ბატონ ბეგლარ სიორიძეს, რომელმაც თავად შეიძინა თვითმფრინავის ბილეთები და ჩვენი მგზავრობა დააფინანსა. ასევე მინდა მადლობა ვუთხრა გაზეთ „ალიონს“ საინფორმაციო მხარდაჭერისთვის.“ – საუბრობს ზაზა ჯინჭარაძე. წარმატებებს ვუსურვებთ ოზურგეთის თეატრს.

წერილი რედაქციას

ტყვიის წარმოება ოზურგეთის მოსახლეობის ჯანმრთელობას ემუქრება

ოზურგეთის მანქანათმშენებელი ქარხანა ერთ-ერთი საუკეთესო წარმოება იყო რეგიონში. ვიცით, ქვეყანაში მიმდინარე პროცესები მასაც შეეხო. 3 წლის წინ ქარხანაში ახალი მეპატრონეები მოვიდნენ ინდოეთიდან. როგორც გავიგეთ, მათ ქარხანაში პროფილი არ შეინარჩუნეს, დაზგა-დანადგარების უმეტესობა ჯართად გაყიდეს და დაიწყეს ძველი აკუმულატორების გადაამუშავება. ისინი აკუმულატორებს შლიან, ცალკე პლასტმასის ნედლეულს აწარმოებენ და ცალკე ტყვიას აღნიჭებენ.

ტყვიის გადამამუშავება ადამიანის ჯანმრთელობისთვის საშიში პროცესია და როგორც ვგებულობთ, იქ მომუშავე ადამიანებს ჯანმრთელობის პრობლემები აქვს. შეწუხებულია მოსახლეობაც, რადგან გადამამუშავებისას

წარმოქმნილი უცნაური სუნი აწუნებს, - საშიშროება ემუქრება მათ ჯანმრთელობას.

როგორც გავიგეთ შპს „მანსაროვს“ გადაწყვეტილი აქვს და შესაბამისი ბანერიც გამოაკრა, ტყვიის ჩამომსხმელი საამქრო ააშენოს. ვიცით, ასეთი საამქრო მათ ჰქონდათ ქ. სამტრედიიდან დაცილებით, მაგრამ ადგილობრივი მოსახლეობის პროტესტის შემდეგ ააღებინეს. ჯერჯერობით ოზურგეთის ხელისუფლებას ამ თემაზე თავისი პოზიცია არ დაუფიქსირებია.

მოგმართავთ თხოვნით,სპეციალისტებმა შეისწავლონ, რამდენად უსაფრთხოა ტყვიის ჩამომსხმელი საამქრო ადგილობრივი მოსახლეობისათვის და მიიღონ ზომები ამ საამქროს მოსახლეობიდან დამორეზულ ადგილზე გადასატანად.

ქ. ოზურგეთის ყაზბეგის ქუჩის მცხოვრებთა სახელით:

თემურ ნაკაიძე, ბობი ბარსენაძე, ზურაბ თაყაიძე, ოთარ მიქაბაძე, დავით ცხვარაძე.

P.S. გაზეთი „ალიონი“ ამ ქარხნის პრობლემებზე ადრეც წერდა. (მ. ზაქარაძე „ერთად მოეუაროთ საქართველოს“, გაზ. „ალიონი“ 29 ოქტომბერი, 2012 წ.) თუმცა ხელისუფლების გამოხმაურება არ ყოფილა. თვითმმართველობის რეფორმით, ამჟამად გაიყო მუნიციპალიტეტი ქ. ოზურგეთის და თემების მუნიციპალიტეტებად. ამ თემაზე მოგმართეს თაყაიშვილის ქუჩის მცხოვრებლებმაც. ვფიქრობთ ეს თემა ქ. ოზურგეთის ხელმძღვანელებიდან სერიოზულ შესწავლას მოითხოვს.

ეკოლოგია

ქ. თბილისში „დინამო არენა“ მძლეოსნობაში საქართველოს ჩემპიონატს უმასპინძლა 1999-2001 წლებში დაბადებულია შორის. აღნიშნულ ღონისძიებაში ქ. ოზურგეთის მუნიციპალიტეტის სასპორტო სკოლის გუნდი იღებდა მონაწილეობას. გუნდმა საერთო ჯამში კარგად იასპარეზა, ხოლო ბრინჯაოს მედალი საჭ. ნაკრების წევრმა ალიონ ტოლსტოვამ მოიპოვა 200 მეტრზე რბენაში, ასევე კონკურსს გარეშე იასპარეზეს და I ადგილები დაიკავეს


სოფო შათირიშვილმა (ბირთვის კვრა) და ნანი პაკელიანი (ბადროს ტყორცნა). საკმაოდ კარგი შედეგი აჩვენა დავით გომი სივრცეზე სტომაში, მან IV ადგილი დაიკავა. აღსანიშნავია, რომ ალიონ ტოლსტოვა, დავით გომი, ნატო არაშიძე, ზურაბ კაკაურიძე სწორედ ის ბავშვები არიან, რომლებიც 2015 წლის მინი-ოლიმპიადზე საქ. ნაკრები გუნდის წევრები უნდა გახდნენ. (შვედონელი მარინე კოტრიკაძე)

ტურნირი ფარიკაობაში

ქ. ზესტაფონში ჩატარდა სიმონ საყვარელიძის ხსოვნისადმი მიძღვნილი რუსული სკოლის ტურნირი ფარიკაობაში 2000-2001 წლებში დაბადებულია შორის.

აღნიშნულ ღონისძიებაში თავი ისახელეს ოზურგეთის სასპორტო სკოლის აღსაზრდელებმა „დამნი“. კერძოდ, ომარ ხომერიკმა მეორე ადგილი დაიკავა, ხოლო თორნიკე ხომერიკმა მესამე. (შვედონელი მალხაზ კვაჭაძე)

ნუკრი ღლონტის ბასხენება



გვიდა ცრემლიანი და ტკივილიანი ერთი წელი, რაც ჩვენს გვერდით აღარ ხარ. ყველა სიტყვა უძღურია იმ ტკივილის გამოსახატავად, რაც შენმა გარდაცვალებამ მოგაყენა. ძალიან

გვიჭირს უშენობა. შენი უღრო წასვლით შეწუხებულნი არიან შენი მეგობრები, ნაცნობები და ყველა ის ადამიანი, რომლებსაც შეხვედრიხარ ცხოვრების გზაზე და თავი დაგვიმსხვრებია ადამიანური სითბოთი, სიყვარულით, კარგი ურთიერთობებით. დარწმუნებული ვართ ათასი სახელით განათებული გზით მაღალი ცათა სასუფეველში, რადგან შენ იყავი სპეტაკი სულის ადამიანი. გვენატრები და გვენახები, ჩვენო საამაყო და მოსიყვარულე. დღერთმა ნათელში გვიყოფოს შენი სული. **მეუღლე, შვილები და ყველა საყვარელი ადამიანი**

მანუჩარ მაგიუშვილი - 85



85 შესრულდა სახელოვანი ქართველის, საქართველოს სახელმწიფო პრემიის ლაურეატის მანუჩარ მაგიუშვილის დაბადებიდან.

იგი 1929 წლის 16 ოქტომბერს დაიბადა სოფ. ბახვში, მოსამსახურის ოჯახში. მისი ცხოვრება ერთი ფართო პოემაა, რომელსაც შეიძლება ნაწერთა ტომები მიეძღვნას, რადგან იგი იყო სახალხო ადამიანი, საუკუნისა და მისი დროის ქველმოქმედი ადამიანი, რომელიც იმაზე მეტს აკეთებდა, რის საშუალებასაც ბიუროკრატიული პარტიული აპარატი აძლევდა.

ბატონი მანუჩარის სახელს მრავალი კეთილი საქმიანობა უკავ

შირდება. იგი ფასდაუდებელ შრომასა და მოღვაწეობას ეწეოდა. მისი ხელმძღვანელობით ოზურგეთში არაერთი სასიკეთო საქმე გაკეთდა. სოფ. დვბაზში აშენდა ახალი აღჭურვილობით საკონსერვო ქარხანა და ჩაის კონცენტრატების კომბინატი, რომელსაც შემდგომ ეწოდა საწარმო-სამეცნიერო ფირმა „ბახმარო“. ეს კომბინატი ბატონი მანუჩარის გამოგონილ ჩაის ნატურალურ კონცენტრატებს და გამაგრებულ უალკოჰოლო სასმელ „ბახმაროს“ უშვებდა, რომელიც არა მარტო საქართველოში, არამედ ყოფილი საბჭოთა კავშირის 160 ქალაქში გადიოდა.

სამწუხაროდ, გასული საუკუნის 90-იანი წლებში საქართველოში მიმდინარე კატაკლიზმების დროს ბატონი მანუჩარი ამ საწარმოს ნგრევასაც შეეწირა. რამდენიმე თვის ავადმყოფობის შემდეგ 1996 წელს გარდაიცვალა.

ბატონი მანუჩარი იღვწოდა სოფლის პრობლემების გადასაჭრელად, რასაც მისი საქმიანობა მოწმობს სოფ. ბახვში. იგი ნამდვილად მაგალითი იყო იმისა, თუ როგორ იღვწოს ადამიანმა სამშობლოსათვის, იყოს ქველმოქმედი და მუდამ ზრუნავდეს ახალგაზრდების პრობ

ლემების გადასაჭრელად, რაც მათ დასაქმებაში გამოიხატებოდა. მან საკონსერვო ქარხანაში შექმნა ახალგაზრდული კოლექტივი, სადაც სხვადასხვა სამუშაოებს წარმართავდნენ: ილია ნადარეიშვილი, თეიმურაზ ქილიფთარი, რენო ურუშაძე, ილია ბილიხიძე, ჯემალ მაშუღაიშვილი, ანზორ ქინქლაძე, ალიკა გოგავა, ზაურ ბოლქვაძე, თამაზ კოროშინაძე, ილარიონ ჩხაიძე, ნარი ჩაკელიშვილი, იზოლდა ართინიძე, ელიკო ანდლუაძე, ეველინა ქინქლაძე, იზო აფაქიძე და სხვები. მათ შორის ბევრი გარდაიცვლიდა.

წელს გაზაფხულის დასაწყისში გარდაიცვალა მანუჩარის მეუღლე, ქალბატონი ლეილა.

ბატონი მანუჩარი ყველაფერში გამორჩეული იყო და თავიდანვე განზრახული ჰქონდა მის მიერ აშენებული მრავალბინიანი საცხოვრებელი სახლის მიმდებარედ სკვერი გაეშენებინა და სადაც უსახური ნაგებობა უნდა აეგო, რომლის მეორე სართული ამ მიზნით დაანგრია. კარგი იქნება, თუკი აკაკის ქუჩის ამ მონაკვეთში ლამაზი სკვერი გაშენდება, რომელსაც სასურველია დიდი ადამიანის, მანუჩარ მაგიუშვილის სახელი ეწოდოს.

ნარო თაყაიშვილი.

თემურ ღლონტი სამრთაშორისო ტურნირის პრიზიორი

ქ. ბათუმში ჩატარდა საერთაშორისო ტურნირი ტაეკვონ-დოში (VTF) ოლიმპიური სახეობა. ტურნირში მონაწილეობას იღებდა 200-მდე სპორტსმენი - საქართველოს ნაკრები და თურქეთის 6 გუნდი. ტურნირს ესწრებოდა კონფედერაციის პრეზიდენტი VIII დანი ბატონი კახა ბასილია. აგრეთვე ირაკლი დოლაბერიძე.

ტურნირი მაღალ დონეზე იყო ორგანიზებული და ის ბათუმის მერია დააფინანსა. აღსანიშნავია აგრეთვე აჭარის ტაეკვონ-დოს ფედერაციის პრეზიდენტის ირაკლი ცენტერაძის და მთავარი ინსტრუქტორის აკაკი ცენტერაძის (III დანი) ორგანიზება და მხარდაჭერა.

ტურნირში +18 წელს ზემოთ გამოცდილი შავკამრიანი სპორტს-



მენები მონაწილეობდნენ. თემურ ღლონტი რომელიც ჯერ კიდევ 16 წლისაა და არის საქართველოს, კავკასიის, ევრაზიის, და საერთაშორისო ტურნირის გამარჯვებული, მან მონაწილეობა მიიღო ტურნირში,

პირველი ბრძოლა თურქს მოუგო, მეორე კი საქართველოს, სამწუხაროდ მესამე ბრძოლა წააგო.

თემურ ღლონტი შეჯიბრებებში 52 კგ. წონით კატეგორიაში გამოდის, მაგრამ ოლიმპიურ სტილში წონა 58 კგ-დან იწყება, ამიტომ მას ამ წონით კატეგორიაში მოუწია გამოსვლა, სადაც საპატიო III ადგილი დაიკავა. იგი სპორტის განვითარების ცენტრის, სპორტის სახელის ტაეკვონ-დოს მოზარდ სპორტსმენთა ჯგუფში ვარჯიშობს. იგი არის ოსტატი, შავი ქამარი-I დანი ტაეკვონ-დოში. მას წინ ბევრი მწვერვალი აქვს დასაპყრობი.

ირაკლი ტულუში, ოსტატი, შავი ქამარი III დანი ტაეკვონ-დოში



ოცი წელი გავდა იმ ავადმოსვონარი დღიდან, უშენობა რომ დაერქვა ჩვენს ოჯახს. შვილის სიკვდილზე უფრო დიდი რა უნდა იყოს მშობლისათვის. მონატრებით გამოწვეული გაუსაძლისობით შენს საფლავზე დანთებულ სახილვებთან ცრემლად იღვრება აუტანელი ტკივილი. დრო უფრო აძიძებს და მოუშუშებელს ხდის შენი

არყოფნით გამოწვეულ დარდს. შენი გარდაცვალების დღესთან დაკავშირებით გვინდა მოვიგონოთ ის რამდენიმე კუპლეტი ლექსი, რომელიც მოგიძღვნა ლინინგრადის მწერალთა კავშირის წევრმა ივსიხი ფლინაჟამ, რომელიც შენი პაციენტი იყო კარდიოლოგურ განყოფილებაში და შენ მისი მკურნალი ექთანი იყავი: თვალწარმტაცი გოგონა ხარ, დიდება ხარ მნათზე მნათი, სწულელებზე ზრუნვით სავსე, ბრილიანტის ამანათი. გულკეთილს და კეთილშობილს მზე გიპყრია ბრილის ხელში დლოცვილი ჩვენი ყოფის ხარ სუნთქვა და ხარ ნუგეში. ქვა კი არა, ოქროს გული, გიღვს ოქროს საგულეში. დღერთმა ნათელში ამყოფოს შენი სპეტაკი და კეთილი გული. შენი **ოჯახი**

ილო, კახა, დოლო რუსიძეები ოჯახებით იუწყებიან **თალიკო პუხლოვი-ჭანუჭაძის** გარდაცვალებას და თანაუგრძობენ განსვენებულის ოჯახს.

იყილება
ოროთახიანი ბინა 12-სართულიანი სახლის
მ-6 სართულზე.
მის. ქ. ოზურგეთი, ბრიკოელოვის ქ. №31
ტელ: 599 24 95 51